

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 238440 23 St  
Zenica, 19.09.2024.godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom "ATOM", d.o.o. Društvo za proizvodnju, preradu i promet drveta i usluge, Usora, Žabljak b.b., Usora, 19.09.2024.god., donio je slijedeće:

#### R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom „ATOM“ d.o.o. za proizvodnju, preradu i promet drveta i usluge Usora, Žabljak b.b., Usora

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

#### O b r a z l o ž e n j e

Predlagatelj stečajni dužnik "ATOM", d.o.o. Društvo za proizvodnju, preradu i promet drveta i usluge, podnio je 01.12.2023. godine, prijedlog za otvaranje likvidacionog postupka nad društvom dužnikom "ATOM", d.o.o. Društvo za proizvodnju, preradu i promet drveta i usluge, Usora, Žabljak b.b., Usora.

Predlagatelj je na ročištu za ispitivanje uvjeta za otvaranje stečajnog postupka izjavio da ostaje kod prijedloga za otvaranje stečajnog postupka i da nema primjedbi na Izvještaj privremenog stečajnog upravitelja.

Privremeni stečajni upravitelj je na ročištu za ispitivanje uvjeta za otvaranje stečajnog postupka izjavio da u potpunosti ostaje pri navodima i činjenicama iznesenim u Izvještaju od 05.04.2024. godine, da vezano za navedeni izvještaj je bitno je napomenuti da je društvo osnovano i registrovano u fazi intezivne postratne izgradnje i obnove porušenih stambenih i drugih objekata, te da je u početku poslovne aktivnosti obavljalo u zakupljenom prostoru sve do momenta kada je uspješno provedena procedura u Općini Usora i dobiveno zemljište velike površine na korištenje na 99 godina. Izjavio je da je osnivač odnosno društvo dijelom vlastitim, a dijelom iz kredita pristupilo uređenju zemljišta i privođenju krajnjoj namjeni i za te namjene utrošeno je cca 500.000,00 KM. Izjavio je da u jednom momentu osnivač je bio odsutan van države, a Općina Usora je jednostrano raskinula ugovor i isti poslije izvjesnog vremena dodijelila drugoj stranoj firmi, te da praktično od tog momenta društvo nema nikakvih poslovnih aktivnosti, nema prihoda, a rashodi se odnose na obaveze istog kao zaposlenika društva. Izjavio je također da u poslovnim knjigama osim osnivačkog uloga evidentirane su samo relativno velike obaveze po raznim osnovama koje su u međuvremenu i dospjele, ta da prema bilansu uspjeha za 2022. godinu kao i za 2023. godinu društvo nije ostvarivalo nikakve prihode, a niti rashode, a prema bilansu stanja na dan 31.12.2023. godine društvo ne iskazuje niti jednu stavku imovine s tim da je prikazan gubitak odnosno nepokriveni gubitak iz prethodnih perioda u iznosu od 133.024,00 KM, od toga najznačajniji iznosi se odnose na: obaveze po kreditima u iznosu od 11.749,00 KM, obaveze za porez na dobit u iznosu od 4.542,00 KM, obaveze za neto plaće i naknade plaća u iznosu od 62.682,50 KM, obaveze za PIO/MIO u iznosu od 27.685,62 KM, obaveze za

doprinos za zdravstvenu zaštitu u iznosu od 17.178,74 KM, obaveze za doprinos za zapošljavanje u iznosu od 2.550,44 KM, te obaveze za PDV-e u iznosu od 6.020,89 KM.

Privremeni stečajni upravitelj je istakao da uz prijedlog za pokretanje stečajnog postupka priložena je i potvrda izdata od strane Sparkasse bank od 13.11.2023. godine, ali je kao privremeni stečajni upravitelj pribavio od iste banke Pregled blokiranih računa sa prioritetima za period od 01.01.2000. do 26.03.2024. godine, prema navedenom Pregledu transakcijski račun stečajnog dužnika je blokiran sa 12 pojedinačnih naloga u ukupnom iznosu od 56.647,88 KM.

Privremeni stečajni upravitelj je napomenuo također da društvo već duži niz godina ne obavlja poslovnu niti drugu djelatnost, ne ostvaruje prihode, ne posjeduje nekretnine niti vozila, opremu i alat za obavljanje bilo kakve djelatnosti te time nije u mogućnosti da izmiri navedene ujedno i dospjele obaveze, a obzirom na izneseno u potpunosti su ispunjeni uvjeti za otvaranje stečajnog postupka jer je u smislu člana 6. Zakona o stečaju utvrđena platežna nesposobnost., a u skladu sa članom 61. stav 2. tačka b. Zakona o stečaju utvrđeno je da organ ovlašten za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti, te imajući u vidu zakonske odredbe kao i obim iskazanih obaveza predložio je da sud objavi poziv zainteresovanim licima odnosno vjerovnicima da ukoliko imaju interes da predujme iznos od 5.000,00 KM, na ime nastavka stečajnog postupka.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:  
Protiv ovog rješenja nije  
dozvoljena žalba.

Stečajna sutkinja  
Sanja Pavlić